

- 615411 - Sredstva UNDP-a za jačanje uloga MZ u BiH - faza II - sufinansiranje kapitalnih projekata iznose 58.440,00 KM,
- 821211 - Igradnja građevinskog objekta - zgrada za raseljena lica (priključci komunalne infrastrukture) iznosi 74.000,00 KM,
- 821213 - Sredstva Budžeta općine za izgradnju spomen obilježja iznose 64.000,00 KM,
- 821624 - Sredstva UNDP-a za jačanje uloga MZ u BiH - faza II - sufinansiranje kapitalnih projekata iznose 21.560,00 KM.

Član 2.

Za realizaciju ove Odluke zadužuje se Služba za budžet i finansije.

Član 3.

Odobreno prestrukturiranje postaje sastavni dio Budžeta Općine Vogošća za 2022. godinu.

Član 4.

Ova Odluka stupa na snagu danom donošenja" a objavit će se u "Službenim novinama Kantona Sarajevo".

Broj 13-11-1935/22

01. decembra 2022. godine
Vogošća

V.d. općinskog načelnika
Migdad Hasanović, s. r.

NEZAVISNI ODBOR SKUPŠTINE KANTONA SARAJEVO

Na osnovu člana 34. stav 1. Zakona o unutrašnjim poslovima Kantona Sarajevo ("Službene novine Kantona Sarajevo", broj 01/16, 26/19, 31/19 i 39/20), Nezavisni odbor, na sjednici održanoj dana 20.12.2022. godine, donio je

POSLOVNIK O IZMJENAMA I DOPUNAMA POSLOVNIKA O RADU NEZAVISNOG ODBORA

Član 1.

(Dopuna člana 5.)

U Poslovniku o radu Nezavisnog odbora ("Službene novine Kantona Sarajevo", broj 13/22 od 31.03.2022. godine), u članu 5., iza stava (10) dodaje se novi stav (11) koji glasi:

- (11) Izuzetno od odredbi stava (10) ovog člana zapisnik sa sjednice Nezavisnog odbora može voditi jedan od članova Nezavisnog odbora prisutnih na sjednici.

Član 2.

(Dopuna člana 9.)

U članu 9. Poslovnika o radu Nezavisnog odbora iza stava (1) dodaje se novi stav (2) koji glasi:

- (2) Predsjedavajući i/ili zamjenik predsjedavajućeg, na sjednici Nezavisnog odbora mogu podnijeti ostavku na navedene pozicije uz usmeno obrazloženje, o čemu odlučuju svi članovi Nezavisnog odbora. U slučaju da ostavka bude prihvaćena, članovi Nezavisnog odbora između sebe biraju novog predsjedavajućeg i/ili zamjenika predsjedavajućeg koji će se na navedenim pozicijama nalaziti do isteka mandata, dok dotadašnji predsjedavajući i/ili zamjenik predsjedavajućeg čija je ostavka prihvaćena nastavlja obavljanje dužnosti člana Nezavisnog odbora.

Dosadašnji stavovi (2) i (3) postaju stavovi (3) i (4).

Član 3.

(Stupanje na snagu)

Ovaj Poslovnik stupa na snagu danom donošenja, a objavljuje se u "Službenim novinama Kantona Sarajevo".

Broj 01-04-7188-10/22
20. decembra 2022. godine
Sarajevo

Predsjedavajući
Nezavisnog odbora
Kenan Kapo, s. r.

STRUČNA SLUŽBA VLADE KANTONA SARAJEVO

Na osnovu člana 66. st. (1) i (2) Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i člana 35. stav (1) Zakona o prevenciji i suzbijanju korupcije u Kantonu Sarajevo ("Službene novine Kantona Sarajevo", broj 35/22) sekretar Vlade Kantona Sarajevo donosi

PRAVILNIK O POSTUPKU INTERNOG PRIJAVLJIVANJA KORUPCIJE I POSTUPANJU PO PRIJAVAMA U STRUČNOJ SLUŽBI VLADE KANTONA SARAJEVO I - OPĆE ODREDBE

Član 1.

(Predmet)

Pravilnikom o postupku internog prijavljivanja korupcije i postupanju po prijavama u Stručnoj službi Vlade Kantona Sarajevo (u daljem tekstu: Pravilnik) uređuje se način prijavljivanja korupcije u Stručnoj službi Vlade Kantona Sarajevo (u daljem tekstu: Stručna služba), postupanje po zaprimljenim prijavama korupcije, razmatranje zaprimljenih prijava korupcije, obaveze obavještanja osobe koja je prijavila korupciju o poduzetim radnjama, te druga pitanja koja su vezana za prijavljivanje korupcije u Stručnoj službi.

Član 2.

(Pojmovi)

U smislu ovog Pravilnika:

- a) "korupcija" podrazumijeva zloupotrebu povjerene funkcije, radne obaveze ili posla od strane državnog službenika ili namještenika u Stručnoj službi;
- b) "prijava korupcije" je pismeno ili usmeno obavještenje koje sadrži informacije iz kojih proizilazi sumnja da je izvršena korupcija;
- c) "interno prijavljivanje" postoji kada prijavitelj podnosi prijavu da je izvršena korupcija, sekretaru Vlade Kantona Sarajevo (u daljem tekstu: Sekretar) kao odgovornom licu u Stručnoj službi ili ovlaštenom licu za prijem i postupanje po prijavama korupcije u Stručnoj službi.

Član 3.

(Rodna ravnopravnost)

Izrazi koji su u ovom pravilniku radi preglednosti dati u jednom gramatičkom rodu bez diskriminacije se odnose i na muški i na ženski rod.

II - PRIJAVLJIVANJE KORUPCIJE

Član 4.

(Pravo na prijavljivanje korupcije)

- (1) Svaki državni službenik i namještenik Stručne službe ili drugo lice koje ima informaciju o postojanju bilo kojeg oblika korupcije (u daljem tekstu: prijavitelj) u Stručnoj službi može podnijeti prijavu korupcije.

